

Ո Ր Ո Շ ՈՒ Մ
Արգելադրված գույքը հարկադիր էլեկտրոնային աճուրդով իրացնելու մասին

26.04.2019թ.

ք.Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի ավագ հարկադիր կատարող, արդարադատության կապիտան՝ Զ.Հովհաննիսյան, ուսումնասիրելով 02.04.2019թ. վերսկսված թիվ 04655570 կատարողական վարույթների նյութերը.

Պ Ա Ր Զ Ե Ց Ի

Երևան քաղաքի Շենգավիթ վարչական շրջանի ընդհանուր իրավասության դատարանի կողմից 06.09.2017թ. տրված թիվ ԵՇԴ/2769/02/16 կատարողական թերթի համաձայն պետք է Սիրանուշ Հարությունի Սիմոնյանից հոգուտ «ՎՏԲ-Հայաստան բանկ» ՓԲ ընկերության բռնագանձել 186,512.80 (մեկ հարյուր ութսունվեց հազար հինգ հարյուր տասներկու ամբողջ ութսուն հարյուրերորդական) ՀՀ դրամ՝ որպես վարկի ընդհանուր պարտք, որից վարկի գումար՝ 166,305.90 ՀՀ դրամ (որից՝ ժամկետանց գումար՝ 42,853.00 ՀՀ դրամ), վարկի դիմաց հաշվարկված տոկոս՝ 10,056.10 ՀՀ դրամ (որից՝ ժամկետանց տոկոս՝ 9,117.50 ՀՀ դրամ), ժամկետանց տոկոսի դիմաց հաշվարկված տույժ՝ 521.20 ՀՀ դրամ, ժամկետանց գումարի դիմաց հաշվարկված տույժ՝ 2,715.80 ՀՀ դրամ, վարկերի սպասարկման հաշիվներ՝ 6,913.80 ՀՀ դրամ:

Ժամկետանց վարկի մնացորդի՝ 42,853.00 (քառասուններկու հազար ութ հարյուր հիսուներեք) ՀՀ դրամի և ժամկետանց տոկոսի՝ 9,117.50 (ինը հազար մեկ հարյուր տասնյոթ ամբողջ հիսուն հարյուրերորդական) ՀՀ դրամի նկատմամբ սկսած 2017թ. սեպտեմբերի 5-ից մինչև դրա փաստացի մարումը, տույժերի հաշվարկը շարունակել օրական 0.09 տոկոս տոկոսադրույքով, որը Սիրանուշ Հարությունի Սիմոնյանից բռնագանձել հոգուտ «ՎՏԲ-Հայաստան բանկ» ՓԲ ընկերության:

Սիրանուշ Հարությունի Սիմոնյանից հոգուտ «ՎՏԲ-Հայաստան բանկ» ՓԲ ընկերության բռնագանձել 3,730.30 (երեք հազար յոթ հարյուր երեսուն ամբողջ երեսուն հարյուրերորդական) ՀՀ դրամ՝ որպես նախապես վճարված պետական տուրքի գումար:

Պարտապանից պետք է բռնագանձել նաև բռնագանձման ենթական գումարի հինգ տոկոսի չափով գումար, որպես կատարողական գործողությունների կատարման ծախս:

Կատարողական գործողությունների ընթացքում արգելանք է դրվել գրավադրված ոսկյա զարդերի /ոսկյա թևնոց՝ մեկ հատ, ոսկյա կախազարդ մեկ հատ, ընդհանուր զանգվածով 14.2 գրամ/ վրա, որի ընդհանուր արժեքը Ա/Ձ Օնիկ Պետրոսի Ֆրանկյանի գնահատմամբ կազմում է 165.200 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման» մասին ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով:

Ո Ր Ո Շ Ե Ց Ի

Պարտապան՝ Սիրանուշ Հարությունի Սիմոնյանին պատկանող ներքոհիշյալ գույքը

h/h	լոտի անվանումը նկարագիրը	գնահատման գինը	մեկնարկային գինը	գույքի քանակը
1	Ոսկյա կախազարդ՝ 583 հարգի, 3.8 գրամ	45.600 դրամ	34.200 դրամ	մեկ հատ
2	Ոսկյա թևնոց՝ 560 հարգի, 10.4 գրամ	119.600 դրամ	89.700 դրամ	մեկ հատ


ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով: Հարկադիր էլեկտրոնային աճուրդի սկիզբը՝ 14.06.2019թ.:

Որոշման պատճենը ուղարկել կողմերին:

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ԱՎԱԳ ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԿԱԴԻՏԱՆ՝



Ք.ԷՊԻՀԱՆՆԻՍՅԱՆ

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: